

一擊厥後萬安仍以房術進後宮被憲宗察出遂罷則徒弟亦失時矣

七戲方士

成化末梁芳李孜省鄧常恩趙玉芝先後謫戍繼皆遇赦而太監蔣琮力言芳等罪狀決不可赦故梁李廢死而鄧趙仍戍邊先謫戍時於途見旅壁遍處題云孜省梁芳罪惡大彰遇赦不宜赦令渠下獄亡常恩玉芝謫戍西夷逢赦不當赦長與中士離款落封三張云

圓通子曰羣小被謫已無生氣然小人心癡必有回望三台冀復大用如萬安黜歸時者故吾師題此戲之以了局一黨也

道藏輯要

三丰全集 顯蹟

三 續畢集七 川上

道觀題詩

嘉靖末詔求天下方書時南京道觀崇清寺壁上有四絕句款落隱仙張玄玄題常有神燈夜照其字後忽為雷電取去詩見雲水集中

大鬧魏祠

天啓中魏忠賢生祠幾遍天下而東華門外一所尤為壯麗日有襤褸瘋道三人奮步遊觀突入祠內擊忠賢土偶像糞土泥沙污穢滿面復於壁上大書四句云淫祠靡靡王室如燬錦繡江山竟委於鬼委鬼魏字守祠吏一見大驚方欲扭執而三瘋不見